



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

35. De imanissima crudelitate, qua tempore Iuliani Imperatoris quidam in sacerdotes sæuierunt, deq[ue] illorum diuina vltione.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

sed ieiunijs continuatisque vigilijs sub altari positus, per obsecrationes defensorem sibi atque Ecclesiæ Deum parabat. Dumque hæc in longum diuersis machinis, & oppugnationibus nequam Iustina moliretur, Maximus qui se exuere tyranni infamia, & legitimum principem gestire ostendere, datis literis impium protestatur inceptum, fidem Dei impugnari, & statuta Catholice Ecclesiæ subruui, & inter hæc appropinquare Italiæ cœpit. Quo Iustina comperto, hoste simul atque impietatis conscientia perurgente, in fugam versa cū filio, exilia quæ Dei sacerdotibus præparabat, prima fortitur.

Theodoretus Ecclesiast. histor. libr. 3. cap. 6. De immanissima crudelitate, qua tempore Iuliani Imper. quidam in sacerdotes sauerunt, deq; illorum diuina vltione.

C A P. X X X V.

Iulianus Imper. impietati frena laxans, vna cum suis scurrarum more petulanter & contumeliosè sanctos infectabatur, nullum genus conuitij & probri prætermittens in veræ pietatis professores. Abstulit deinde congiaria sacerdotibus, à Constantino Magno donata. Ascaloni & Gaze, quæ sunt vrbes Palestinæ, primum virorum sacerdotij dignitate exornatorum, & mulierum perpetuam virginitatem professarum ventres discidunt: deinde farciunt hordeo: ad extremum eos porcis deuorandos obijciunt. Sebastæ item, quæ est vrbs

urbis ditioni gētis, de qua supra dixi, subiecta, Iohannis Baptistæ tumulum aperiunt, ossa trahunt igni absumenda, & eorum cineres partem dispergunt. Scelus autem ab illis in Phœticia patratum, quis est quæso, qui sine lachrymis possit commemorare? Nam Heliopoli, quæ est vrbs Libano finitima, execrabiles isti gentiles recordati facinoris Cyrilli diaconi, qui regnante Constantino diuino quodam zelo accensus, multa simulachra, quæ in ea vrbe colebantur, confregerat, non modò eum interfecerunt, verumetiam dissecto ventre iecur eius degustare non sunt veriti. Verùm Deum omnia contemplantem hoc celare non poterant, sed debitas sui maleficij poenas ei dederunt. Nam quotquot illius sceleris labe inquinati sunt, primùm amiserunt dentes, qui præter omnes ad vnum excidebant: deinde linguas perdiderunt, quæ putredine tabefactæ, ex ore affluebant: postremò oculis orbati sunt: quorum calamitatibus verè pietatis vis clarè prædicata est.

Iohannes Moscus Euiratus in prato spirituali cap. 38. Glycas parte 4. Annalium Constantinus Manass. in Annalibus. Anastasius Imperat. in Ecclesiam Catholicam cuiusq. antistites crudelis, diuinitus punitur.

CAP. XXXVI.

A Nastasius Imperator, cùm eiecisset Euphemium & Macedonium patriarchas Constantinopolitanæ Ecclesiæ, ac propter